

增

訂

歷

代

符

牌

圖

錄

二

卷

乙丑冬東方學會影印

古者合符以徵信其器之傳於後世著錄最先者為續考古圖之漢濟陰虎符唐廉州魚符明顧氏印數吳氏印統亦著錄二符國朝則頗散見於錢翁諸家之書而為之專書者則始於瞿木夫先生集古虎符魚符考顧歷覽諸家著錄顧吳所載並是贗品翁瞿所考亦多疏失今略舉一二以示大凡顧氏所錄上郡虎符中間剖別處書與上郡太守為虎符第一而兩側則書左二右二吳氏所錄南海虎符中間書與南海太守為虎符第一而兩側則一書左二一書右三考兩漢諸符皆中間不書第幾而但書於兩側魏晉以後始於中間及兩側並書之今二符中間書第幾已與漢符異而兩側紀數又與中間不同左右又自相異決無是理必為贗作又兩漢諸符以建初尺度之長皆二寸許無逾三寸者新莽之符倍之魏晉以後則大於漢而小於莽翁氏兩漢金石記載五原太守符乃云長三寸四分而中

閒剖別處書第一有此兩徵當是魏晉之符而非漢符然魏晉以後無五原郡是此符亦贗作此真贗之不別一也兩漢金石記載騶男虎符文曰□□與騶男為銅虎符第五翁氏謂魏晉始有五等之封而晉則伯子男以下不置軍定為魏物瞿考謂歷代虎符背文皆止云與則騶男上不當有漫滅二字今詳觀此符拓本與上是晉字與丞邑男符之稱晉與丞邑男為虎符正同是為晉而非魏也又與上加朝代新莽諸符皆然晉符蓋沿莽例高平虎符稱詔與高平大守為虎符其例又異惟漢符與上無字瞿氏乃謂與上不當有字歷代皆然此考之未審也惟與上乃一字而空二格則翁氏之誤耳此朝代及制度之混淆二也瞿氏謂漢虎符稱與公公大守為虎符而騶男虎符作為銅虎符蓋魏晉始有之今觀騶男符拓本明明無銅字乃翁氏誤釋非魏晉有之也又瞿考載右武衛和川府魚符其文作

武衛和川府云唐有左右武衛隋百官志有武衛定此為隋符然此符實是右武衛右字在同字上嘗見精拓本有之尋常拓本往往失拓此為唐符而非隋符瞿氏所見本亦失拓右字耳此箸錄辨釋之未確三也如是之類並為缺憾予曩既得秦虎符頗欲類聚藏本以為專書以補前籍所未備而虞海內收藏家所有或有所遺故遲回者數歲乃浮海以來見聞益隘恐不能復有所增益而中邦文獻日益陵替今我不作後來何述因掇輯所有由秦逮金得符五十有二又遼金至明之銅牌亦巡符佩符類也得墨本十有八附益之成歷代符牌圖錄二卷皆取墨本精印纖毫畢肖可徵信傳後至於攷證別為一錄嗣有所得當再賡續復論次前箸得失以示來者考古之士倘有取乎宣統六年九月上虞羅振玉書

宣統甲寅予既撰集古符牌墨本為歷代符牌圖錄自知聞見狹隘

必有所遺佚方期它年為之賡續乃書成之明年游魯豫得遼盧龍
縣銅牌於洛下返滬則又得明錦衣衛旗尉牙牌又閱歲復於滬上
得東平守禦銅牌皆前人所未及見者尋又得六舟上人及秀水王
氏虞山趙氏所集金石文字小品五十餘冊其中符牌墨本得六十
餘品汰予前錄所已著及複種尚得符八牌二十有八乃合以予所
得三牌復成後錄一卷與前編所載并計之總得符六十牌四十有
六海內所藏雖未敢謂畢萃於是殆亦庶幾矣往昔瞿木夫先生作
古虎符魚符考一卷翁叔均先生又作古兵符考略以補其所未備
此符牌有專書之始瞿考已刊埵集古官印考證之後翁書則未梓
行其手藁在予齋墨本盡失而目錄完具其考證則存什四五而已
瞿書僅收十有八品且有贗作翁目所載符十有五牌三十有二合
文同而字號異之重品計之得牌四十有三視瞿氏為備矣然如磐

石衛夜巡牌等多據傳撫非必皆有墨本今合二家之書以校予前後兩錄予之所有固多為二家所未及見而二家所有而予無之者亦什之一二予書之成上距翁氏不逾七十年而所見之差已如此良由中更兵燹故家文物散亡大半予齋墨本多為陳栗園李方赤吳子苾蔣生沐及六舟上人所手拓其器之存否今不可知則此錄之成非可或後使更後數十年為之恐欲求予今日之所見殆又不可必矣翁氏殘稿藏予齋者雖所存不及半又塗乙狼籍予當以暇日手自清寫付印以與此編並傳俾前人辛苦纂輯不至湮沒倘亦好古之士所同慰乎宣統丙辰三月晦永豐鄉人羅振玉書於海東寓居後四源堂

予往歲在海東曾集歷代符牌為前後二錄計得符六十牌四十有九越八年復聚後來所得為之增補總得節六符八十有三牌六十

有六命兒子福葆福頤撫寫以傳之爰書其端曰今茲所增可補前人記載所不及者凡六事焉一曰節周禮掌節凡邦國之使節山國用虎節土國用人節澤國用龍節皆金也注今漢有銅虎符予往歲所見虎符無秦以前者數年前始得辟夫夫虎符其字為古文不盡可識僅辨首行辟夫夫□節諸字嗣又見齊牛符文有齊節夫夫字其狀正與後世之符同而明箸之曰節知節形正同秦漢以後之符故禮注以漢銅虎符為證嗣又見為馬形鷹形雁形者其書皆古文其為節也無疑是虎節人節龍節以外更有牛馬鷹雁諸節此可補前籍者一也二曰爵符編中所載莽符有作爵形者文曰新與廣有前精□為爵其側文曰廣有郡右為考莽制者所未知此可補前籍者二也三曰文字漢太守以下諸虎符皆書文字於脊而中分之古節及秦新鄣陽陵諸符則兩側文字相同而不中分即西漢初葉安

國臨袁兩侯虎符尚沿斯制知書脊而中判乃漢中葉以後所改而前人均不知有左右側書之例此可補前籍者三也四曰發兵之制前籍但言虎符以起軍旅而其法不可知觀新鄴符言凡興士被甲用兵五十人以上必會王符乃敢行之燔燹事雖毋會符行也此不知與後來發兵之法何如而秦制則曉然可知此可補前籍者四也五曰龜符之制虎魚諸符皆由脊中判分為左右龜符則由背甲及腹甲上下判合而刻字於背甲之裏面顧傳世皆背甲腹甲則罕見斯編所載腹甲但有同字俾與背甲同字牝牡相銜而別無它文此可補前籍者五也六曰明代銅牌字號明會典載金牌之制面上鑄仁義禮智信五字號下鑄守衛二篆字背鑄凡守衛官軍懸帶此牌等二十四字仁字號俱龍形義字號俱虎形禮字號俱麒麟形智字號俱獅子形信字號俱祥雲形又有勇字號銅牌又有牙牌公侯伯

勳字號駙馬親字號文官文字號武官武字號樂官樂字號今核以是編所載惟徐州巡警牌署義字關防魚牌署信字錦衣衛朝參牌署武字御馬監勇士牌署勇字與會典略合然牌面均無獸形雲形又蘇州夜巡牌則署福字夜巡鐘形牌署馴字靈山荊州永昌三衛夜巡牌均署肅字而德安守禦夜巡牌又署結字御馬監勇士牌又或署餘露結等字三千營隨駕官軍祥雲牌署勇字則所云仁義禮智信諸牌為諸獸及祥雲形為不確矣又御馬監牙牌署忠字御前答應牌署天字養鷹官署鷹字豹房牌署豹字東司房牙牌署錦字尚瑞院馬牌署平安友等字金陵近出值宿廚子雙魚牌署膳字錦衣衛旗尉牙牌或有號而無字而會典所記或譌或略此可補正前籍者六也古名物制度有非見實物不能明了者符牌亦其一矣予往歲為圖錄皆取墨本影照前人著錄出於撫寫者不復闌入茲既

一律出於撫寫故廢前例合併箸之以告讀是書者乙丑十一月二十日松翁書

增訂歷代符牌圖錄目錄

卷上 節六符八十三

列國 六

鷹節

又

鴈節

騎口馬節

齊夫夫牛節上虞羅氏藏

辟夫夫虎節

秦 二

新鄴虎符左

陽陵虎符左右具 上虞羅氏藏

漢 十五

安國侯虎符 右 上虞羅氏藏

臨袁侯虎符 左 據金石契撫

泗水王符 左 據恆軒吉金錄撫

樂安王符 右 據金石契撫

長沙太守虎符 左 吳縣吳氏藏

東萊太守虎符 左

玄兔太守虎符 左

桂陽太守虎符 右 澠縣陳氏藏

常山太守虎符 左 三 同上

又右一 吳縣吳氏藏

張掖太守虎符 左

漁陽太守虎符左 吳縣吳氏藏

魏郡太守虎符左

南郡守虎符左 據十六長樂堂古器款識撫

廣陽虎符左 濰縣陳氏藏

新莽 五

河平郡虎符左 濰縣陳氏藏

敦德郡虎符左 吳縣吳氏藏

厭戎郡虎符右 同上

武亭郡虎符右

廣有郡爵符左

晉 三

丞邑男虎符左 吳縣吳氏藏

騶男虎符右

維縣陳氏藏

始平虎符左

漢後隋前

十三

上黨太守虎符左

又右

酒泉太守虎符左

高平太守虎符右

河間太守虎符右

上黨太守虎符左右具

博陵太守虎符同上

遼西太守虎符同上

吐京護軍虎符第三同上

離石護軍虎符第一 同上

又第三 同上

又第四 同上

陽曲護軍虎符第三 同上

隋 十三

虎賁郎將虎符左 定海方氏藏

天井府虎符右 吳縣蔣氏藏

石橋府虎符右 同上

赤城府虎符左 同上

溫陽府虎符左 同上

清湖府虎符左 同上

美政府虎符右

安昌府虎符左

吳縣蔣氏藏

永昌府虎符右

吳縣吳氏藏

相原府虎符右

同上

白松府虎符左

吳縣蔣氏藏

通觀府虎符右

濟陰府虎符右

吳縣蔣氏藏

唐 二十三

太子少詹事魚符右

左武衛將軍傳佩魚符左

濰縣陳氏藏

又玉左 吳縣吳氏藏

右清道率府魚符左

九仙門外右神策軍魚符右

吳縣吳氏藏